



14332

III Reg. Si. Dr.


P

*toni Dolor Ordinum Academicorum
causato viri in orbe literario bene meriti.*

PANEG. et VITAE

Poln. Fol.

№ 376.



D O L O R
ORDINUM ACADEMICORUM,
ex fato Viri

in orbe literario bene meriti,

Illustris olim Clarissimi & Admodum Reverendi Domini,

D. M. ALEXANDRI
JAROSZYNSKI,

Philosophiæ DOCTORIS, ejusdemq; in Colle-
gio Minori Senioris Professoris, Ecclesiarum, Archi-
presbyteralis, Beatissimæ Virginis Mariæ in Cir-
culo Crac: Pænitentiarij Radyminsciani, Paro-
chialis Cromoſoviensis C V R A T I:

Dum Mortales ejus exuviae 1433277
in Ecclesia Collegiata S. ANNÆ
tumularentur.

^A
M. ANTONIO GORCZYNSKI,
Philosophiæ Doctore & Professore, Scholæ SS. CORPORIS
CHRISTI Seniore,

lugubri calamo

CONSIGNATUS,

Anno Domini 1721. Die 5. Martij.



CRACOVIAE; Typis Francisci Cezary, S. R. M. Illustr: & Reverendissimi Episcopi
Crac: Ducis Severiæ, neenon Scholarum Novodvor: Ordinarij Typographi,

121. 6. 6. 6.

DOLOR

ORDINUM ACADEMICORUM.

Huc lacrymas, huc gemitus!

Dolor adest Academicus.

Nescio qui magis doleat,
quàm Eruditi?

ignoro qui gravius sua pectora laceret,
quàm illi, qui suis lacertis erudita
sufferunt pondera.

Dolor quidem communis est,
sed illis gravior;

quos sereni vultus Pallas
in suum vocavit consortium.

Pungunt alios, aliorum mortes;
hic interimunt.

Quippe Eruditi cùm dolent,
graviter dolent.

Sed tamen & inter Doctos,
gravitas doloris,

pensatur à pondere meritorum.

Liceat quod à vero non abludit scribere;
quandoq; dolor mensura est
vitæ anteaetæ.

Si bene vixeris, spera lacrymas,
ominare dolores,

eò majores, quò majora

præmiseris virtutis tuæ documenta.

Cùm hoc virtutis morum, ac scientiarum,

argu-



argumento non quæreris;
sed videris
olim Doctor in Cathedra,
Nunc nostri doloris Magister in urna;
Illustris olim Clarissime & Admodum Reverende Domine,
D. M. ALEXANDER
JAROSZYNSKI,
Philosophiæ Doctor & Professor,
Collegij Minoris Senior Pater,
Vir uti nunc dolore,
ita;

semper æternâ memoriâ digne.
Verè non nomine solum, sed & re **ALEXANDER:**
Quod olim Macedoni unus non suffecerit Orbis.

Ille declaravit ore,
Tu probasti opere.
Imò quantum facta à verbis distant,
tantum Tu illo dignior,
qui & dicere & facere,
non exigua attentasti.
Itaq; ab orbe uno, ad alterum progressus.

Nos Tui orbos,
in orbita liquisti lacrymarum.
Debent omninò plures dolores
Vnum modo, prosequi **ALEXANDRVM,**
qui dum plurima gessisset,
in plurium affectus involasset,
quid si non gementium pectorum
optat satellitium.

Hunc dotes suæ
Illustrium Virorum animis,
Clientum pectoribus,
Amicorum cordibus,
veluti gemmam coronæ inseruerunt.
Illum fatorum domitrix virtus,
Atlas difficultatum labor,
ita extulit,
ut nunquam ima,
semper summa
de mortuo **ALEXANDRO** cogitemus.
Facilè hic,

quia in Almæ Matris sinu educatus,
uno nomine virtutum Iliadem complexus,
secuturis per ætatem Professoribus,
se ipsum dedit in exemplum.
Ut magnæ arbores prolixiores umbras jaciunt.
Sic magnorum virtutes, in plura sæcula se extendunt.
Vnus Miltiades tot excitavit Themiscoles.
Quot per ejus eruditionem progressi,
ad Doctorem pervenerunt Cathedram.
Magni enim Viri, nunquam procedunt Soli.
quos insigni comitatu, suæ stipant virtutes.
Unus tot Magistrorum Discipulus,
cunctorum assecutus mentem;
plurium animorum de se exhibuit compendium.
Subivit naturæ viscera,
prodidit Philosophorum arcana,
planeq; nihil ignorare voluit,
quod scientiam non saperet,
& honestatem non præferret.

Vt

Vt tandem alios erudiret,
se alijs subiecit informandum,
venturus aliquando ad scientiarum portum,
operam suam Classibus Academicis dedicavit;
ubi sufficienter instructus,
ab alijs instruendis non destitit.

Sunt Scholæ fulcra Patriæ,
fundamenta Ecclesiæ;

Hinc Classisticus olim Professor,
in illis suæ gloriæ, exstitit Architectus,
& alieni profectus fabricator.

Quisquis noscere vis Macedonem ex gladio,
nosce hunc ALEXANDRVM ex Stylo:
Ore suo, Os D. THOMAM proclamavit;

Illudq; aureum,
quia de meliori luto Professor,
nihil non auro dignum:
& gessit & dixit.

Connexa Nomina ALEXANDER & Aristoteles,
hinc præesse Contubernio Philosophorum,
non potuit meliùs, quàm ALEXANDER.

Ubi, nè amor Sapientiæ deesset,
eum consiliò accendit,
sapientiâ animavit.

Inde in Collegij Minoris admissus consortium,
admisit & curas:
legitimum ducens,
ijsdem humeris, & pondus honoris,
& onus sufferre sollicitudinis.

B

Et

Et licèt ad majora sua illum duceret virtus,
maluit tamen, inter minores esse Senior,
non eminentiâ,
quam excludere consuevit,
sed Officiô quia Pater.
Cui quamvis ab hoc honore satis fuerit
gravitatis,
Literarium tamen ludum
cordi suo fuisse demonstravit:
cùm Facultatis Philosophicæ DECANUS,
sub Purpura pro Corona laudum
exsudaverit.
Illâ vestitus;
mentem prudentiâ, animum industriâ,
pulchriùs adornavit.
Sub hac ut Ducis Philosophici,
nomen impleret;
ex arena literaria,
acsi ex certamine Olympico,
palmas retulit.
Planè vocationis suæ conscius,
æternorum avidus,
hæc quærebat, quæ animum literis,
Animam æterna beatitudine,
exornarent.
His refulgens dotibus,
facilè erga se, favores Majorum acclinavit.
Horum pars maxima es,

Ma.

Magnifice, Perillustis & Reverendissime Domine,

**D. M. BASILI
PLASCZEWSKI,**

S. Th. DOCTOR & PROFESSOR,
Collegij Majoris SENIOR PATER, Ecclesiarum,
Cathedralis Cracoviensis CANONICE, Collegia-
tæ SS. Omniū Crac: & Parochialis Prosovicensis
PRÆPOSITE, in Nasiechovice CURATE, Or-
dinarie Librorum per Diœcesim Cracov:

CENSOR, Contubernij Smieszkoviani
PROVISOR, S. R. M. SECRETARIE,
Studij Almæ Universitatis Cracoviensis
Generalis ac Vigilantissime

R E C T O R.

ALEXANDRO huic, non Gordium nodum,
sed tuum affectum solvere,
fuerat solenne.

Neq; etiam in vestris affectibus cladem experitur;

Clarissime & Excellentissime Domine,

**D. M. STANISLAE
FILIPOWITZ,**

Philosophiæ Doctor, Matheſeos Professor,
Collega Minor, ejusdemq; Domûs
PRÆPOSITE &c.

tum.

Clarissime, Excellentissime & Admodum Rñde Domine,
D. M. C A S I M I R E
R E L E Z Y N S K I,

Philosophiæ Doct̃or & Professor,
Collega Minor,
ejusdemq; Domûs CONSILIARIE, &c.

Extremos illius dies
funebri instruitis apparatu,
qui, ut vobis incrementum honorum optet,
obsequiô vestrô effecistis,
dent quod vobis decreverint Superi,
uti & mortuo requiem sempiternam.



J. XXII. 10.

E

Biblioteka Jagiellońska



stdr0024850

